

## Voorbeeld van 'n A1 verklaring

Ek, Jane Elize Buys (VOLLE NAME EN VAN), verklaar hiermee onder eed in Afrikaans:

1.

Ek is 'n Blanke vrou (RAS EN GESLAG), 49 jaar oud (OUDERDOM) met ID nr 6709175104081 (ID NR), 'n boer van die plaas Wildedraai in die distrik Bloemhof (BEROEP, WOON EN WERKSADRES), Tel no 051-4444907 en selfoon nr 0829228434 (TELEFOON EN SELFOON NOMMERS).

2.

Ek boer op bovermelde plaas vir 20 jaar. My boerdery bestaan uit vee waarvan die meeste skape is. Ek beskik oor 'n geregistreerde brandmerk LM en het 'n afskrif hiervan aan. Die diere het almal tatoeërmerke LM op hul regterore. Ek het 'n plaasbestuurder/veewagter wat daaglik na die skape omsien. Op Vrydag 2015-07-10 het ek my skape nagegaan en gemerk dat die draadheining van die kamp tussen my grond en die plaas Seekoeivlakte geknip is. (BESKRYF MET WATTER VEE U BOER, BRANDMERK, WANNEER U ONRAAD VERMOED HET EN WAAR DIT OP U PLAAS PLAASGEVIND HET)

3.

Ek het opgemerk dat daar spore van skape was wat in die rigting van Christiana aangejaag was. Die getal skape wat weg is, is 5. Ek het ook vreemde spore van persone en ook 'n bakkie spoor opgemerk naby die draad (wat ek gefotografeer het) wat vermoedelik verbind kan word met die persoon wie die skape aangejaag het en die voertuig wat hul vervoer het. (BESKRYF DIE RIGTING WAARIN VEE GEJAAG WAS, ENIGE VOETSPORE, HOEVEELHEID VEE WAT WEG IS)

4.

Ek is terug plaas toe om werkers te versoek om die skape bymekaar te maak en te bepaal of daar wel van my skape weg is. Ek het kartondose geneem om die vreemde spore te bedek vir polisie ondersoek. Ek het my man om ongeveer 10:00 versoek om die polisie te skakel en van die aangeleentheid in kennis te stel. (BESKRYF DAT U VEE LAAT BYMEKAAR MAAK OM TE TEL)

5.

Die polisie het ongeveer 12:00 by die plaas opgedaag en was teenwoordig toe ek my skape getel het nl Adjudant Offisier Swanepoel. Ek het 89 skape, 14 lammers wat 8 maande oud is en 13 lammers wat jonger as 6 maande is. Ek het die skape vergelyk met my veeregister en vasgestel dat 5 skape weg is. Die skape wat gesteel is het almal swart koppe met 'n wit oor en een van hul pote is ook swart. Die waarde van die vermiste skape is R5 000. (BESKRYF WANNEER EN WIE VAN POLISIE TONEEL BESOEK HET, VEEREGISTER NAGEGAAN IS, HOEVEEL VEE BESIT U EN BESKRYWING VAN VEE WAT GESTEEL IS)

6.

Ek het nie die afgelope 3 maande enige vee verkoop nie en het ook niemand toestemming gegee om my skape te verwyder nie. Op Woensdag 2015-07-08 het ek my skape nagegaan en alles was

in orde. Op hierdie stadium verdink ek vir Petrus Motaung wie in die verlede by my werksaam was. Die redes hiervoor is dat hy 2 maande gelede bedank het, dat hy bewus is dat die skape in die boonste kamp wei en nie in 'n kraal is nie, en dat daar 'n grondpad langs die kamp is wat dit maklik maak om vee aan te jaag en dat hy 'n bakkie het om die skape te vervoer. (BESKRYF WANNEER LAAS U VEE GETEL HET, WIE U VERDINK VAN DIE MISDAAD EN REDES)

7.

Ek verlang polisie ondersoek na die diefstal van die genoemde vee.

8.

Indien die polisie enige verdagtes arresteer en 'n skuldigbevinding volg, verlang ek dat 'n vergoedingsbevel kragtens artikel 300 van die Strafproseswet (Wet 51 van 1977) deur die agbare hof aan my toegestaan word vir die verlies in waarde van die gesteelde vee.

Ek is vertrouwd met die inhoud van die verklaring en begryp dit.

Ek het geen beswaar teen die aflegging van die voorgeskrewe eed nie.

Ek beskou die voorgeskrewe eed as bindend op my gewete.

DATUM: 2015-07-13

TYD: 12:00

PLEK: BLOEMHOF (WILDEDRAAI)

*JE Buys*

HANDTEKENING VAN VERKLAARDER)

Ek sertifiseer dat bostaande verklaring deur my afgeneem is en dat die verklaarder erken dat sy vertrouwd is met die inhoud van die verklaring en dit begryp.

Hierdie verklaring is voor my beeidig en die verklaarder se handtekening is in my teenwoordigheid daarop aangebring te BLOEMHOF op 2015-07-13 om 12:00.

KOMMISSARIS VAN EDE

VOLLE NAAM EN VAN: Piet Swanepoel

ADRES: SA Polisie diens, Voortrekkerstraat, Bloemhof

RANG: 795879102-3 Adjudant Offisier